

朱孝臧  
夏敬觀

輯校編撰  
手批評點

彊村叢書

附遺書

五

上海古籍出版社

朱孝臧 輯校編撰

# 彊村叢書

附遺書

五

上海古籍出版社

省齋詩餘

省齋詩餘目錄

洞仙歌

念奴嬌

賀新郎

水調歌頭

沁園春

千秋歲

青玉案

滿庭芳

鳳棲梧

臨江仙

西江月

鷓鴣天

卜算子


點絳脣

醜奴兒

如夢令

鷓鴣天

減字木蘭花



三五〇

省齋詩餘

衡陽 廖 行之 天民

洞仙歌壽老人

虞絃揮按甫奏薰風曲兩兩堯蓂長新綠揖黿峰連鴈  
嶠轆轤圓融總裏許北郭門圍全屬年年纔見夏喜  
溢粉榆龍穴霏煙靄晴谷向氤氲和氣裏歲奉瑤觴試  
屈指幾闕梅林初熟待一品官高見玄孫算八十綵衣  
更饒遐福

念奴嬌壽四十叔

薰風庭院報槐陰擁翠池波凝綠瑞氣蔥蔥浮燕寢羽  
仗霓旌相屬鸞鷟開祥長庚入夢詫列仙圖籙林泉高

邁肯應軒冕塵俗好是妙舞清歌浮瓜沈李薦杯中  
醪醕鵲尾鑪生香篆細又作如何祈祝試問蓬萊丹崖  
勝處幾摘蟠桃熟東方何在凜然能繼高躅

賀新郎和狄志父秋日述懷

玉宇□蓬戶渺涼聲箭慘梧井亂零楓浦得得西山朝  
來爽碧瘦千崖萬樹清興在煙霞深處挂笏風流今誰  
是但聞雞夜半猶狂舞試舉看渠多許青雲萬里君  
夷路肯區區轉張兔穴沈迷金塢流水高山真難料休  
把朱絃浪撫任展轉翻雲覆雨且對佳時隨意樂更從  
今莫問驚人句算萬事總天賦

又賦木犀

修月三千戶擁冰輪同遊碧落問津牛浦上界眞仙多才思乞與瑤階玉樹渺萬里人閒何處雲葉依依分清  
 蔭憶當時掩映霓裳舞算萬木寧如許年年蕭爽幽  
 巖路倚西風吹香金粟超然雲塢一洗紛紛凡花盡堪  
 寫清商對撫爲豁散蠻煙瘴雨脫俗高標誰能領向騷  
 人正欠題新句須大手與君賦

水調歌頭壽外舅

林梢挂弦月江路粲寒梅一年清絕好是造物巧安排  
 今日不知何日佳氣更隨喜氣滿室已春回歡事一時  
 足黃色兩眉開紫髯公平日事亦高哉都將功業分  
 付蘭玉滿庭階慈愛渾嗤張傳信義更高吳季別是一

襟懷歲歲長生酒  
膽口紫霞杯

又壽長兄

天下偉人物  
荆楚號名流  
幅員千里英氣磅礴岳南州  
鴈嶠高參翼  
軫石鼓下盤朱府  
袞袞應公侯  
常記生申旦  
明日是中秋  
挈明月翳翳鳳駟飛  
糾東南一尉何事  
三載漫淹留  
談笑洞庭青草  
從此閭閻闔闔  
高處看鼇頭  
更種階庭玉慈母  
念方稠

又壽汪監

祥起玉龍甲  
慶衍紫樞垣  
奎文得歲佳  
氣磅礴斗牛閒  
天意方扶興  
運賢業更看  
奕世袞袞照英躔  
四海具瞻久  
膏澤滿湘川  
歲六月蘇大旱  
作豐年  
喁喁百萬生

齒何處不沾恩此是鴻鈞事業那更青氈步武早晚卽  
調元混一車書了還領赤松仙

又壽口守

黃色起犀表紫綬照金章兩朝耆德應是南國舊龔黃  
曾上方壺蓬島萬里鯨波不作炎海賴清涼緩造鵷鴻  
地高臥水雲鄉近新來春色好徧瀟湘不知今日何  
日佳氣擁高堂競把芳尊爲壽細祝遐齡難老福祿未  
渠央國棟欠元老仙桂看諸郎

又壽鄧彥麟

涼吹起空闊疏雨斂輕陰瀟湘江上秋色佳處不勝清  
挂笏西山一望氣與千崖高爽天意屬奇英威鳳下瑤

闕丹桂矗雲根 漢元侯流德厚在雲孫金昆玉季曾  
共接武上青雲堂上瑤池仙姥庭下芝蘭玉樹好事萃  
于門賸講經綸事早晚自公卿

又壽歐陽景明

蒼立籐龍秀青壓雨梅肥清和天氣無限佳景屬斯時  
試聽虞絃初理便有薰兮入奏風物正熙熙此日定何  
日香篆裊金猊 記當年莫兩莢應熊羆男兒壯志端  
在伊傅與皋夔況是從容書史養就經綸功業早晚帝  
王師但了公家事方與赤松期

又壽武公望

韓國武中令公望乃雲孫平生壯志凜凜長劒倚天門

鬱積胸中謀慮慷慨尊前談笑袖手看風雲唾手功名  
事詩句自朝昏況高懷吾所敬果難能千金生產一  
笑推盡與諸昆所至才成輒去不爲區區芥蒂此意有  
誰論且舉杯中酒今日是生辰

沁園春和蘇宣教韻

直下承當本來能解莫遣乾休算如今蹉過崢嶸歲月  
分陰可惜一日三秋闌裏偷聲日中逃影用盡機關無  
少留爭知道是漚生卽水水外無漚世人等是悠悠  
誰著箇工夫向裏求但掩耳竊鐘將泥洗塊覓花空裏  
舐蜜刀頭何似忙中尻輿浸假邀取三彭同載遊眞如  
界向毗盧頂上薦取無憂

千秋歲壽外姑

臘餘時候天意收寒早梅信動春先到曉來湘水上有  
底風光好春有意慣隨仙仗來蓬島一念到人閒依  
約瑤池道心好在慈爲寶蟠桃多歲月不數如瓜棗千  
歲也朱顏綠鬢人難老

青玉案書七里橋店

片帆穩送扁舟去又還踏江湖路回首京城舊遊處斷  
魂南浦滿懷裝恨別後憑誰訴長歌擊劒論心素有  
志功名未應暮自誦百僚端復許歸來猶記東坡詩語  
但草凌雲賦

又重九憶羅舜舉

家山此去無多路久沒箇音書去一別而今佳節度黃  
花開未白衣到否籬落荒涼處崢嶸歲月還秋暮空  
腹便便無好句菊意愆期渾未許那堪惹恨年來此日  
長是瀟瀟雨

滿庭芳丁未生朝和韻酬表弟武公望

五甲科名半生躋蹬胷中可謂忘奇榮華外物算豈是  
人爲自有吾身事業最難得口養親時萱堂好紫鸞重  
詰壽與嶽山齊世閒歡樂事爭名蝸角伐性蛾眉謾  
須與變化蒼狗雲衣那似千秋壽母功名事分付吾兒  
從今去捧觴戲綵雙綬更相宜

鳳樓梧壽長嫂

吾母慈祥膺上壽福庇吾家近世眞希有北嫂今年踰  
六九康寧可嗣吾慈母我願慈闈多福厚更祝遐齡  
與母齊長久鸞誥聯翩雙命婦華堂千歲長生酒

又壽外舅

破臘先春梅有意管領年華總在清香蕊不逐浮花紅  
與紫歲寒來壽仙翁醉袞袞諸公名又利誰似高標  
擺卻人閒事長對南枝添興致尊前好在三千歲

臨江仙元宵作

春意茫茫春色裏又還幾度花期淡晴時候儘融怡梅  
顚翻白後柳眼弄青時正是江城天氣好樓臺燈火  
星移相逢無處不相宜輕狂行樂處明月夜深歸

西江月舟中作

紺滑一篙春水雲橫幾里江山一番煙雨洗晴嵐向曉  
碧天如鑑客枕謾勞魂夢心旌長繫鄉關封姨慳與  
送歸帆愁對綠波腸斷

又壽友人

試數階蓂有幾昨朝看到今朝南薰早動舜琴謠端爲  
熊羆夢兆學粹昔人經制文高古樂簫韶天風從此  
上扶搖回首不勞耕釣

鷓鴣天壽四十舅

飛盡林花綠葉絲十分春色在茶蘼多情幾日風朝雨  
留戀東風未許歸天意好與君期如今且醉蛾眉

明年上國春風裏賞徧名花得意時

又壽外舅

臘月今朝恰一旬梅花開徧隴頭春篆煙起處人稱壽  
從昔家和福自生新喜事得佳姻賢郎順婦正充庭  
從今更祝千千歲要與邦人作典型

又壽外姑

細數元正隔兩朝眼看楊柳又新條歲寒獨有江梅耐  
曾伴瑤池下絳霄香篆裊燭花燒團樂喜氣沸歡謠  
慈祥自是長生樂不用春醪餽與椒

又代人壽歐陽景明

送了春歸雨未收雨肥梅子滿枝頭心知辦此和羹品